

TÉIGH I DTEAGMHÁIL LINN

Is féidir leat fanacht i dteagmháil leis an tionscadal trínár suíomh gréasáin, áit a mbeifear ag postáil nuashonruithe ar an dul chun cinn chomh maith le sonraí faoi na hoibreacha atá ar siúl. Chun tuilleadh fiosrúchán a dhéanamh, ná bíodh drogall ort teagmháil a dhéanamh linn le ríomhphost nó sa phost ag:

Bainisteoir Tionscadail FRS na Dúnaibh

An Oifig Tionscadail: RPS, Ionad Gnó an Chiste Fiontair, Baile Raithin, Leitir Ceanainn, Co Dhún na nGall, F92 AF43

Ríomhphost: downingfrs@rpsgroup.com

NAISC ÁBHARTHA

Láithreán Gréasáin: <https://countydonegalfrs.ie/downingfrs/>

COUNTY DONEGAL
FLOOD RELIEF SCHEMES



Tionscadal Éireann
Project Ireland
2040

OPW
Oifig na
nOibreacha Poiblí
Office of Public Works

NA DÚNAIBH

Scéim Faoisimh Tuilte

Nuachtlitir Uimh. 6
Feabhra 2022

<https://countydonegalfrs.ie/downingfrs>



CÉN CHÉIM AG A BHFUIL AN TIONSCADAL?

Tá Grúpa Stiúrtha FRS na nDúnaibh (ar a bhfuil OOP, Comhairle Contae Dhún na nGall agus RPS) ag cinntiú ar fad go mbunaítear an anailís hidreolaíoch agus hidrálach atá ag tacú le Scéim Faoisimh Tuilte ar an eolas is cruinne agus is úire. Tá gach eolas a bhaineann leis an tionscadal ar láithreán gréasáin an tionscadail go fóill (www.countydonegalfrs.ie/downings) chomh maith le sonraí teagmhála na foirne.

Críochnaíodh na suirbhéanna a bhí de dhíth le samhail ar ríomhaire a dhéanamh de Shruth Ros Goill agus Cuan na gCaorach, cosaintí tuilte, tóchair agus tuilemhánna.

Leis an eolas a bailíodh le linn dúinn suirbhéanna sonraithe a dhéanamh ar aibhneacha, tóchair, trána agus tír-raonta, thóg muid samhail ar ríomhaire a léiríonn Sruth Ros Goill agus meicníochtaí cósta Chuan na gCaorach. Chuir muid léi sruthanna aibhneacha agus leibhéil uisce leis an tsamhail a léiríonn macasamhail na dtuilte a bhí ann agus a bheidh ann (mar dhearadh) de réir mar a thuarar. Rinne ár bhfoireann mionleasuithe ar an tsamhail lena chinntiú go bhfuil sí chomh cruinn agus is féidir ó thaobh na dtuilte a bhí ann agus atá tuartha. Lena dhéanamh seo, baineadh úsáid as eolas (grianghraif agus tuairiscí) ar thuilte a bhí ann a thug bunadh na háite, úinéirí gnólachtaí agus páirtithe leasmhara leis an léargas is fearr ar na himeachtaí sin a tharla ar na Dúnaibh a thabhairt. Rinneadh íogaireacht na samhla i mbun athraithe a sheiceáil agus múnlóidh sé seo roghanna féideartha don Scéim.

Cuireadh dréacht de Thuairisc Hidrálach FRS na nDúnaibh chuig an Ghrúpa Stiúrtha i mí Feabhra 2022. Foilseofar an tuairisc ar láithreán gréasáin an tionscadail nuair a bheidh sí réidh. Cuireann an tuairisc theicniúil seo síos ar thógáil agus ar chalabrá na samhla ríomhaire agus léiríonn sí méid na dtuilte samhlaíthe a úsáidfeá i bhforbairt na Scéime.

Tá gearrliosta de bheartais bainistiú riosca tuilte á mheas faoi láthair i samhail an ríomhaire le luacháil a dhéanamh ar na beartais is éifeachtaí in aghaidh tuilte. Chomh maith le beartais a léirítear i bPlean Bainistiú Riosca Tuilte an Iarthuaiscirt (www.floodinfo.ie), cuirfeadh san áireamh beartais eile a ndéanfar scagadh orthu le beartais a aithint a bhféadfaí luacháil is déine a dhéanamh orthu. I mí Dheireadh Fómhair 2021 bhí ceardlann theicniúil ann le forbairt roghanna a phlé agus bhí Grúpa Stiúrtha FRS na nDúnaibh i láthair.

Tá measúnú ar dhochar ar réadmhaoin eacnamaíoch ar siúl do FRS na nDúnaibh. Léireoidh sé seo an t-airgead measta a chaillfeadh le tuilte chomh maith leis an sochar féideartha a bhainfeadh leis an scéim ar feadh 50 bliain i ndiaidh a críochnaithe. Múnlóidh an measúnú seo na roghanna féideartha a bheidh indéanta go heacnamaíoch nuair a chuirfeadh sin taobh leis an chostas ar an rogha ar feadh saolré.

D'fhoilsigh Foireann Timpeallachta RPS an Tuairisc ar Staidéar Srianata Timpeallachta ar láithreán gréasáin an tionscadail i mí na Nollag 2021 (www.countydonegalfrs.ie/downingsfrs/index.php/news/). Áirítear sa tuairisc príomhghnéithe timpeallachta a bhféadann an scéim tuilte dul i bhfeidhm orthu nó srianata a chur uirthi mar scéim. Pléann an tuairisc le Bíthéagsúlacht, Flóra agus Fána, Ithreacha agus Geolaíocht, Seandálaíocht, Oidhreacht Ailtireachta agus Chultúir, Úsáid Talaimh agus Sócmhainní Réadmhaoin, Tírdhreach agus Tionchar Físiúil, chomh maith le Daonra agus Sláinte an Duine.

Déanfar suirbhéanna timpeallachta sonraithe breise ar na héin a bhíonn ar na Dúnaibh le linn an gheimhridh go dtí deireadh mhí an Mhárta 2022. Leanann na suirbhéanna seo na bunsuirbhéanna eolais a rinneadh in 2020 agus in 2021.



Na Dúnaibh agus suirbhé ar éin an gheimhridh ar siúl

BREAC-CHUNTAS AR CHLÁR SCÉIME NA DÚNAIBH

	Gníomhaíocht	2020	2021	2022	2023	2024	2025
Céim 1	Bailiú Sonraí agus suirbhéanna	■					
	Anailís Hidreolaíochta	■	■				
	Anailís Hidrálach		■	■			
	Anailís agus forbairt na Scéime		■	■	■		
Céim 2	Pleanáil				■	■	
Céim 3	Dearadh mionsonraithe na Scéime					■	■
Céim 4	Oibreacha tógála						■
Céim 5	An Scéim á hOibriú						■

Is iad na garmheastacháin is fearr iad na hamlinte a léirítear ach féadann siad athrú. Cuireadh seacht mí go garbh leis an chlár mar thoradh ar na dúshláin theicniúla san anailís. Tá Foireann an Tionscadail ag obair go crua le teacht ar dhóigheanna le deiseanna a aimsiú le tascanna eile sa tionscadal a dhéanamh níos gasta leis an mhoill ar an chlár a mhaolú.

NA CHÉAD CHÉIMEANNA EILE

Bailiú Eolais: I dtaca le Céim 1 sa Tionscadal de, tá gach réimse eolais a bhí de dhíth faighte.

Suirbhéanna: Tá na suirbhéanna sonraithe déanta. Tá RPS ag fiosrú an riachtanais atá le suirbhéanna breise le réamhdhearadh na scéime a mhúnlú.

Anailís Hidreolaíoch: Críochnaíodh sruthanna deartha agus leibhéil uisce a úsáidtear sna samhlaíthe le macasamhail na dtuilte a léiriú agus tá Dréacht-Tuairisc Hidreolaíoch réidh. Foilseofar an tuairisc chríochnaithe ar láithreán gréasáin an tionscadail.

Anailís Hidrálach: Tá an tsamhail hidrálach calabraithe agus bailíochtaithe le heolas ar thuilte go stairiúil lena chinntiú go léirítear macasamhail chruinn de na meicníochtaí tuile. Úsáidtear an tsamhail le roghanna innealtóirí roimhe seo a mheas agus a chur i gcomparáid le riosca tuilte a mhaolú ar na Dúnaibh. Tá an Dréacht-Tuairisc Hidrálach réidh agus foilseofar an tuairisc chríochnaithe ar láithreán gréasáin an tionscadail.

Anailís agus Forbairt Scéime: Tá liosta á dhéanamh faoi láthair de gach beartas bainistithe riosca tuilte a d'fhéadfaí a bheith ábhartha ar na Dúnaibh. Déanfar scagadh orthu leis na beartais is mó a bheidh indéanta go teicniúil agus go heacnamúil, iad inghlactha go sóisialta agus ó thaobh an chomhshaoil de, sa dóigh go ndéanfar measúnacht dhian orthu. Beidh na beartais a scatar isteach mar chuid de na roghanna féideartha a fhéadann sprioc-chaighdeán cosanta na scéime a bhaint amach. Déanfar measúnacht shonraithe ar gach rogha leis an rogha is fearr le FRS na nDúnaibh a aimsiú lena thabhairt chun tosaigh chuig pleanáil do Chéim II sa tionscadal.

Measúnacht Chomhshaoil: Moltar suirbhéanna breise sna míonna atá romhainn ar a n-áirítear suirbhéanna ar speicis faoi chosaint, seandálaíocht agus ailtireacht.